

Q. D. B. V.

DISSERTATIO IVRIDICA INAVGVRALIS

DĒ

DIFFERENTIIS IVRIS

ROMANI ET GERMANICI

IN

HEREDIS INSTITVTIONE
VOLVNTARIA

QVAM

IN REGIA FRIDERICIANA

CONSENSV INCLYTI ICTORVM ORDINIS

PRAESIDE

IOANNE TOBIA CARRACH ICTO

IVRIVM PROFESSORE PVBLICO ORDINARIO

PRO GRADV DOCTORIS

DIE XV OCTOBR. MDCCCXVI.

H. L. Q. C.

PVBLICE VENTILANDAM EXHIBET.

HENRICVS LOESING

EMBDA - FRISO.

HALAE MAGDEBVRGICAE

TYPIS IOAN. FRIDERICI GRVNERTI ACAD. ET SENAT. TYPOGR.

(5)





Q. D. B. V.
DISSERTATIO IURIDICA INAVGVRALIS
DE
DIFFERENTIIS IVRIS
ROMANI ET GERMANICI
IN
HEREDIS INSTITVTIONE
VOLVNTARIA.

§. I.



Non dubito fore multos, qui propositum, quod dissertatione hac in augurali tractandum constitui, a iurisprudentiæ ratione alienum ex sola opusculi inscriptione iudicent. Statim enim in mentem reuocabunt, quod heredis institutio ad testamenta pertineat, horum autem apud priscos Germanos teste TACITO *de Mor. Germ. Cap. XX.* nullus plane fuerit usus, sed quod plerisque

An dentur
differentiæ
Iuris R. et G.
in testamen-
tis?

constet,

A

constet, Germanos sensim et sequiori demum aevo a Romanis petiisse testamenta, quod quomodo contigerit pro temporis ordine, atque pro regionum et populorum Germanicorum diuersitate, fuse exposuit B. DN. HEINECCIUS *Element. Iuris German. tum veter, tum hodiern. Lib. II. Tit. VI. §. CXXI. usque ad §. CXLIV. CLVIII. et Tit. VII. §. CLXXV. usque ad §. CLXXXVIII.* Cum igitur negotium hoc nobis peregrinum, a Romanis singulariter efformatum, ab his in Germanos tranfierit, adeoque nos illud e Latio in Germaniam deriuauerimus; tantum abesse videbitur, vt solidi quid possim comminisci de differentiis Iuris Romani et Germanici in heredis institutione voluntaria, re prorsus Romana, vt potius IMPERATOR MAXIMILIANVS I. Notarios in construendis testamentis ad Ius Romanum ablegauerit, *Ordinat. Imp. de Notariis de anno 1512. art. von Testamenten §. Es sollen auch ic. seqq.*

§. II.

Quod affirmatur tum in externis.

Attamen praecipiti huic iudicio facilius aliquid largiendum esset, si quaestio institueretur de solennibus testamentorum externis: quanquam ne hoc quidem casu omnes iurium in Germania obtinentium differentias deficere, vel sola citata lex Imperialis indigitat, vt de legibus prouincialibus et Iure Canonico in praesentiarum nihil dicam; vti quoque ipse modo laudatus HEINECCIUS *cit. loc.* hac de re non nulla iamiam monuit.

§. III.

§. III.

Quod si vero ad interna testamentorum animum ad-^{tum de inter-}
vertamus; in omnia alia eundum esse, arbitror: utpote in^{nis}
iuris Romani ad intrinseca testamentorum pertinentis pru-
denti applicatione ad Germaniam plures vna occurrunt
differentiae, tum in testatore, tum in herede, tum in ipsa
testatoris voluntate tam circa nominationem heredis, quam
circa reliquam de bonis suis dispositionem vltimam, tum
denique in bonis, de quibus quis vltimum condit iudi-
cium.

§. IV.

Praeterquam enim quod Iuris Canonici maior apud ^{Ratio prima.}
Germanos etiam inter protestantes sit autoritas, quam Iu-
ris Romani, illudque nonnulla in testamentis constituerit
a Romanis legibus recedentia, quae late exequutus est
THOMASIVS *Differt. de Differentiis Iuris Ciuil. et Canonici in*
doctrina de Testamentis, id ipsum, quod maxime mihi ob stare ^{Ratio secunda.}
alii forsan putabunt, scilicet testamentorum peregrina
conditio, mihi videtur efficere in foris Germanicis diffe-
rentias.

§. V.

Sane testamentorum ius pertinuisse ad praeroga-^{cuius exposi-}
tiuam iuris Quiritum, et ad singularia ciuium Romanorum,
atque suo modo iuris publici fuisse, docemur in primis Iuris
A 2 ^{tio prima.}
pruden-

prudentiae Romanae elementis. Sed ubi est in Germania illa vrbs, cuius ciues singulari iure communi gaudeant? et quomodo testamentum apud nos ad eiusmodi iura singularia referri aut iuris publici esse queat, non liquet.

§. VI.

Secunda.

Romani testamenta sua iudicabant leges a patribus familias de rebus suis rogatas. Vnde in ordinandis illis, quae ad testamentorum essentialia et propria pertinebant, opus erat verbis directis et imperatiuis: atque uti in legibus, ita pariter in testamenris, saltem quoad heredis institutionem et legata, olim stricta obtinuit interpretatio verbis directis non raro magis inseruiens, quam menti disponentis. Sed nihil est, cur Germani testamenta habeant instar legum, ab antiquis vtentes pactis successoriis, vt adeo nobis in successionis causa nec idem fuerit abusus regulae, quod ius publicum pactis priuatorum immutari nequeat, uti Romanis, nec in successionem ordinanda specialem fingere legem patrisfamilias opus fuerit vnquam, nec denique, quamuis dispositionem decessoris de bonis suis legem dicere velis, conuenit iustae interpretationi siue legum siue aliarum dispositionum. aucupem agere verborum, sententia auctoris probabili seu praesumta eius voluntate neglecta.

§. VII.

tertia.

Romani condiderunt testamenta Latino sermone. Vnde par fuit, vt Icti in illis diiudicandis rationem haberent

berent indolis Latinae linguae et verborum Latinorum curarent origines, proprietatem, rationes; qua in re tamen aliquando fuerunt nimii, ita vt interpretamenta verborum angustis et angulis literarum saepe sint interclusa, et a facti consideratione recedentia: quo ipso saepius leges et testamenta nimis seuerè traxerunt ad casus similes, in quibus tamen ratione circumstantiarum dissimilitudo fuit, aut in casu de quo loquuntur nimis durum sensum extorserunt. Cuius naeui inprimis arguuntur Stoeae addicti ex CICERONE a GROTIUS *de Iur. B. et P. L. II. c. XX. §. 23.* indeque ICI huic sectae dediti, maxime, pro ingenii sui indole Antistius Labeo, eiusque asseclae a THOMASIO *in Comparatione Antisti Laterni et Astoi Capitonis* adde MERILL. *Obs. I. 3.* Ast Germani testamenta non condimus Latina, sed in vernacula: praetereaue testatores iuris imprudentes perspicue haud intelligunt rem testamentariam; quin ipsi illi, quorum consiliis vtuntur in extremo iudicio ordinando, saepe non sunt prudentiores. Idcirco opus est, vt ICI in diiudicandis testatorum voluntatibus rationem habeant genii linguae Germanicae, praesertim significatus popularis potius, quam artificialis, aut eius, quem in arte quidam sibi fingunt inadacquata comparatione verborum Germanicorum et Latinorum, quorum minime eadem est potestas, inprimis si iudicandum de illorum dispositionibus, qui iurisprudentiam prae se non tulerunt. Maxime cauendum a vitio interpretationis strictae: sed si quid minus accurate dictum vel scriptum sit, de alia tamen testato-

ris sententia probabiliter appareat, praesumptam eius voluntatem magis quam verborum subtilitatem ut sequatur interpretres, necesse est, quem, ne Stoicae, nec Labeonis, nec aliis sectis mancipatus sit, decet. Fieri ergo nequit, ut sine iniquitate in forum nostrum trahi possint omnia Ictorum Romanorum interpretamenta, quae aut proprietatem vocum Latinarum aut strictam interpretandi rationem sapiunt, testatoris praesumpta voluntate relicta. Neque enim animus mihi est extrudendi e foris Germanicis scita Romana, sed cautiones monstrandi in eorum applicatione prudenti, ne quid hac in re fiat rationi aduersum. E contrario, cum non desint in ipsis *Digestorum* libris specimina interpretationis iustae, cuius rei argumentum elegantissimum exhibet ex SCAEVOLAE *Lib. III. Respons. L. 88. §. 17. D. de Legat. 2.* ea potius etiam atque etiam commendo, quemadmodum et PRAESES *Dissert. de substitut. directae argument. in formul. dubia* interpretandi regulas Romanis legibus ex Latii Iurisconsultorum voluminibus haustis suffultas tradidit.

§. VIII.

quarta.

Certe probe attendendum est, quod veteris iuris prudentiae et strictae interpretationis ratio quoad testamenta quoque admodum immutata sit, inualecente magis interpretatione per aequitatem in legibus explicandis et valore iuris perfecti tributa fideicommissis, in quibus benigna semi-

semper obtinuit verborum obliquorum et precatiuorum interpretatio, voluntatis defuncti potius, quam vocum rationem habens, quæ verba precatia tamen non minorem efficaciam iure nouo habuerunt in vltimis voluntatibus, quam imperatiua, atque postquam tandem Imperator CONSTANTINVS M. in extremis iudiciis omnem solennitatem et differentiam verborum directorum seu imperatorum et inflexorum sustulit, atque vt eo saltem respiciatur iussit, an liqueat voluntatis intentio *L. ij. C. de Testamentis*, vt in ipso Quiritium iure, statu ciuium Romanorum; et cretione hereditatis mutationes silentio praeteream. Hoc ipso igitur valde derogatum est contrariis hac in causa veteris iurisprudentiae principiis et conclusionibus inde ex ICtorum scriptis in *Digestis* frequenter obuiis: vt adeo multo minus locum inuenire queant apud nos, qui nunquam in verborum solennium momentis haesimus, aut iure Quiritium, aut status istius Romani specialis praerogatiua, aut cretionis solennitate vti sumus.

§. IX.

Abunde ex his efficitur, quod omnino maximae Thema.
iuris Romani et Germanici in causa testamentorum inter-
na intercedant differentiae. Sed has omnes, vt in prae-
sentiarum exequar, instituti et temporis ratio non patitur:
sufficiet ergo, vt saltem pro specimine inaugurali hac vice
animum aduertam ad vtriusque iuris differentias, quae in
here-

heredis institutione voluntaria mihi videntur observandae. Qua in re officio meo me satisfacturum puto, si præmissis, quantum opus est, generalibus, specialiores subiunxerim differentias: ita tamen, ut magis ad communia principia, quam provincialia iura respiciam.

§. X.

Quid hereditas Romanis,

Nimirum hereditas Romanis partim sumitur

1) *subiective*, et quidem vel

a) *strictè*, atque dicitur successio in uniuersum ius quod defunctus habuit *L. 24. D. de V. S. et L. 64. D. de Reg. iur.* Vnde hereditatis appellatio uniuersitatem quandam ac ius successionis demonstrat *L. 208. D. de V. S.* atque nomen iuris est *L. 178. D. Eod.* cuius appellatione nec legata nec fideicommissa continentur *L. 96. D. de Legat. 3.* nec bonorum possessio. Vel

β) *late* accipitur, ut et fideicommissa uniuersalia complectatur, praesertim postquam iura hereditaria in fideicommissarium pro rata transeunt, et ad bonorum possessionem pertineat, indigante inscriptione *Tituli Institutionum de Fideicommissariis hereditatibus et Tituli Digestorum de Hereditatis petitione possessoria* atque *L. 138. D. de V. S. iuncta L. 128. D. de Reg. iur.* Partim vero sumitur aliquando

II) ob-

II) *obiectiue*, pro rebus hereditariis, seu pro rebus, quae successione habentur, atque hereditate acquiruntur: quorum CICERO in *Topicis* respexit, dum hereditas ab eo dicitur pecunia, quae morte alicuius ad quempiam peruenit iure nec ea aut legata testamento, aut possessione retenta. Quamvis Icti plerumque secundum *numerum I.* hereditatem separent a rebus hereditariis, adeo ut eius, qui nihil habeat in bonis, heres esse possit: siquidem hereditatis appellatio etiam continet damnosam hereditatem *I. nō. de V. S.* licet res hereditariae semper sint utiles, conf. HOTOMAN-
NVM *Comments. verbor. iuris artic. hereditas.*

§. XL

In Germanica lingua hereditatem reddere solent *Erbschaft, Erbe*. Nec sine ratione: siquidem utraque vox continet utrumque significatum hereditatis, atque tam latum quam strictum §. *praecedente* expositum. Attamen praeterea utraque haec vox Germanica, siue subiectiue siue obiecta considerata, latiore adhuc habet ambitum, utpote qua illi, qui nesciunt, cum Iuris Romani peritis ab hereditate in significatu linguae Romanae accurate discernere caetera lucra affinia, adeo late vtuntur, ut quodcunque lucrum, eiusque acquisitionem, ex morte alterius alicui obueniens ex bonis cuiusdam, indeque legata pariter et fi-

An Germanis
Erbschaft
idem sit?

deicommissa singularia nec non donationes ex morte alicuius praestandas comprehendat: quemadmodum ex pari ratione vocem *Vermächtniß* tam late patente significatu adhibitam videmus, ut et donationes ex morte praestandas, et legata, et fideicommissa quaelibet, et ipsam hereditatem denotet, confer SCHILTERVM *Exercitat. II ad ff. §. XIV. seqq.* et WEHNERVM *Observat. Practic. artic. Erben*. Alios horum verborum significatus, utpote quod aliquando *Erbe* significet hereditate legitima iure sanguinis nobis acquisita opposita *Eigen* seu illis, quae aliunde acquisivimus ipsi, iam transeo.

§. XII.

Quid Romanis heres

Cumque tam verborum quam ipsarum rerum contemplatione relatio sit inter hereditatem et heredem, *Erbschaft* et *Erben*, ex dictis de illa §. X et XI. facile iudicabimus de hoc. Scilicet Romanis heres iterum

- 1) *strictè* accipitur, et denotat successorem in univsum ius defuncti secundum ius civile. Etenim qui ex iure praetorio defuncti bona nanciscuntur proprie non dicuntur heredes: nec minus quam bonorum possessores etiam fideicommissarii ab heredibus presse et vere dictis plerumque separantur §. 2. *Inst. de Bonor. possess. L. 2. §. f. D. Unde legitimi* §. 3. *Inst. de Fideicommiss. hereditat.* Id autem perinde est, siue

a) quis

a) *quis solus* succedat in vniuersum defuncti ius, qui heres ex asse audit, siue

β) *vna cum alio*, qui tamen pro parte quota nihilominus in vniuersum ius a defuncto relictum succedit. Deinde

- II) *late sumta* heredis vox simul complectitur fideicommissarium vniuersalem et bonorum possessorem vna cum herede civili. Pariter se res habet cum voce *Erbe*, quae iterum aliquando heredem, aliquando vero latiore ambitu omnem indigitat, qui quocunque modo quid ex morte et bonis alterius lucratur, siue sit heres et successor qualiscunque in vniuersum ius, siue legatarius, siue donatarius cui quid ex morte cuiusdam praestandum, conf. PRAESID, *Diff. de differrent. Iur. R. et Germ. in Mort. causf. donation. §. V. IX. et X.* et Germanis Erbe.

§. XIII.

Quo vero alicui constet, vnde hereditatem habere possit, et an eam habeat, commode monet LAVTERBACH. Hereditatis delatio
Compend. Iur. Tit. de Acquir. vel omittend. hered. quod circa eam consideranda veniant tum hereditatis

I) *delatio*, Germani dicunt *der Anfall*, qua alicui obvenit hereditas et ius conceditur eam sibi acquirendi; tum hereditaris

II) *acquisitio*: tum denique addidebet hereditatis 2) acquisitio

III) *possessio*. Sed ad institutum meum in praesentiarum saltem pertinet delatio hereditatis, hanc enim tangit heredis institutio, quippe quae est inter causas, quibus hereditas alicui defertur. Acquisitionem autem et possessionem hereditatis explicandam hac vice non curo.

§. XIV.

Delationis
causa

1) proxima

Delatio hereditatis latius acceptae contingit partim

I) *a causa proxima*, scilicet

a) *morte decessoris*, si hereditas pure relicta sit, vel

β) *morte decessoris et conditionis existentia*, si hereditas sub conditione sit relicta. Partim vero hereditatis delatio

2) remota

II) *a causa remota* fit secundum

1. Rom.

a) *Ius Romanum*, tam

a) *ciuile strictius dictum*, quam

b) *praetorium*, vel

1) *ab intestato*, seu ex lege generali, cuius causa iterum est aut

aa) *agnatio*, de iure nouissimo post *Non. nig.* etiam *cognatio*, aut

bb) *patronatus ius* *L. 22. D. de Acquir. vel omitt. hereditate*. Vel denique delatio fit

2) *ex testamento*, aut

aa) *directe*, heredi scilicet *directe instituto*, aut
bb) *in-*

bb) *indirecte seu oblique*, nimirum per fidei-
commissum vniuersale, de quo oportu-
nior dicendi occasio sese offert §. XVI
et XVII. Secundum

ß) *Ius Germanicum* vero, et quidem

I. Germ.

a) *antiquum*, deferrebatur hereditas vel

1) *agnationis* et sanguinis iure, vel

2) *ex pacto successorio*, familia deficiente. Post-
quam vero testamenta recepta sunt, inde-
que liberior invaluit de bonis disponendi
potestas, et sic

b) *recentiore Iure Germanico* hereditas defertur vel

1) *pacto successorio*, vel

2) *testamento*, vel denique

3) *ab intestato*, sanguinis iure.

§. XV.

Ex hisce mihi hac vice saltem primariæ curæ est dela-
tio hereditatis a causa remota, et quidem speciatim ex te-
stamento. Etenim, quod attinet ad causam proximam, Huius loci
tantum est
causa testa-
menti. conditio quidem simul consideranda venit: at quod de ea
hoc loco monendum est, id ad qualitatem heredis institu-
tionis commodè reici potèrit. Neque de pactis successo-
riis tractatio instituitur, de quibus nuper differuit PRAESES
in Diurnis Halensibus num. 32. Omnium vero minime ad in-
testatam successionem, quæ sanguinis iure defertur, iam re-
spiciendum esse, thema docet.

B 3

§. XVI.

§. XVI.

Quid testa-
mentum Ro-
manis.

Testamentum autem Romanis est ultima voluntas legitime declarans heredem directum. Equidem in heredis directi declaratione, tanquam forma substantiali, testamentum Romano iure ab aliis ultimis voluntatibus, adeoque a codicillis discernitur, quippe quibus hereditas directe nec dari nec adimi potest §. 2. *Institut. de Codicillis*. Quanquam apud Romanos etiam fieri potuerit, ut dispositio ultima, quam testator testamentum dixit, in codicillos degeneraret, si nimirum quid peccatum sit in requisitis testamenti, observatis tamen codicillorum requisitis: quo casu virtute clausulæ codicillaris, vel adiecti iurisiurandi, vel si alias enixa testatoris voluntas appareat *L. 77. §. 23. de Legat. 2. et L. 88. in fin. eod.* dispositio valet tanquam codicilli eventuales directi ad heredem intestatum ut dispositione ordinata iure fideicommissi præstet, unde testamentum tale dicunt codicillos eventuales, et modum interpretandi verba testamenti aestimant PERILL. DN. CANCELL. REGIM. ET ACAD. DIRECTOR BÖHMERS *Introd. in Ius Digest. Tit. de Codicill.*

Quid Germani
Testament.

§. 6. et B. STRYK. *de Cautel. Testament. c. 23. et 31.* Germani autem vocem Testament adeo lato sensu usurpant, ut non solum comprehendat testamentum Romanis proprie dictum, quod nunc descripsimus, sed etiam omnem dispositionem, qua alicui quid confertur lucri ex morte alicuius, siue codicilli sint, siue pacta successoria, siue donationes ex morte præstandæ, vel etiam aliquando alia instrumenta, B. HEINECCIUS *Elem. Iur. Germ. L. II. Tit. VII. §. CLXXX seq.*

PRAES.

PRAESES *Diff. de Donat. mort. caus. cit. loc.* Cum enim apud Germanos pacta successoria non minus ius succedendi tribuerint, quam apud Romanos testamenta, atque vix quisquam nisi Romana iura edoctus sciat, quid hæc ab illis distent, et quale intercedat discrimen inter testamentum et codicillos: mirum non est, quod tam lato in ambitu vulgo vsu veniat vox Testament. Neque magis intelligunt iuris imperiti argutias testamentariorum, qui testamentum reddunt *testier Wille*, *testen Willens-Meynung*, quasi hæc locutio clarius sit, aut quasi codicilli non æque sint vltima voluntas: vel si alii dicant *zierlich Testament*, et codicillos vocent *Neben-Wille*. Idcirco I) merito colligere possumus ex his, quod in Germania, qui disponit de bonis suis, sub vocabulo Testament, *testier Wille*, non prae-cise intelligat testamentum ex mente Romanorum, sed in dubio dispositionem quouis meliori modo valituram, quamvis id non nisi codicillorum iure fieri possit. Hinc II) adhuc magis est apud nos cuiusuis testatoris enixa voluntas, quam quae apud Romanos Lucii Titii fuit in *L. 88. §. 17. de Legat. 2.* vt iudicium suum exitum habeat, quem possit, si forsan aliquid minus legitime minusue perite fecerit. Quapropter III) id ordinarie intendit, quod sibi vult clausula codicillaris adiecta: adeoque dubitandum vix est, eam, licet omissam, virtualiter inesse dispositioni, et subintelligendam esse. Neque IV) errant, qui in foris clausulæ huic, tum adiectæ, tum subintelligendæ, maiorem tribuunt vim, quam supplendi solennitatis externæ defectum, et ad inter-

na

na quoque extendunt, PERILLVSTR. DN. BÖHMERS,
STRYKIVS *cit. locis.* GAIL. II. *obs. 114. et 134.* SANDE L. IV.
Tit. 1. Def. 12. HUBER, ad I. Tit. de Iure Codic. in f. TITIVS
Iure priv. L. VII. c. 3. §. 38. *seqq.* excepto eo, si quid circa faculta-
tem disponendi vel acquirendi aut circa voluntatem deficiat.

§. XVII.

Quid heredis
institutio.

Facile nunc constat, quod heredis institutio, *die Ein-
setzung zum Erben*, eadem ambiguate laboret, quam de
ipso heredis termino accepimus §. XII. quippe quæ genera-
tim considerata est designatio futuri heredis: adeoque tam
quoad Latinum dicendi modum quam quoad Germanicum
redit ad omnia ea, quæ *cit.* §. tradita sunt. Cæterum he-
redis institutio in varias dispescitur species. Nempe.

1) *a forma* est vel

a) *directa*, quæ antiquo I. R. concepta erat verbis dire-
ctis et imperatiuis; quibus autem sublati iure no-
vo post L. 15. C. de Testam. et in Germania inde est iu-
dicanda, si ita sit concepta, ut heres designatus *im-
mediate* succedere debeat testatori. Eaque iterum
est aut

a) *necessaria*, qua testator ex legis civilis præscripto be-
neficientiam in officium perfectum mutante eos,
cui lex legitimam hereditatis portionem tribuit,
aut instituere aut secundum legis præscriptum ex-
heredare tenetur. Aut est

b) *vo-*

- b) *voluntaria* quae humano testatoris arbitrio relicta est, quem, si modo habilis sit, heredem instituere velit, siue testatori non sint, quibus legitima debetur, siue, qui sunt, aut legitima sua honorati aut rite exheredati sint. Vel praeterea est
- β) *obliqua seu fideicommissaria*, quae verbis obliquis et inflexis id est praecatiuis, seu iure nouiore ita sit, vt heres testatori *mediate*, scilicet mediante restitutione hereditatis ab herede intermedio facienda, succedere debeat. Deinde
- II) *ab adiuncta qualitate*, tum
- a) respectu *ordinis* est vel
- a) *prima*, quae vulgo heredis institutio dicitur, vel
- b) *secunda*, seu substitutio, cuius iterum variae sunt species de quibus PRAESES *Diff. de Substit. directae argum.* tum denique
- β) *respectu modi*, quo testator liberalitatem suam restrinxit est vel
- a) *pura*, vel
- b) *conditionata*.

§. XVIII.

His expositis haud difficulter addere possumus specialiores quasdam obseruationes de differentiis iuris vtriusque in heredis institutione. 1) Initio quidem intuitu voluntatis testatoris multi hanc notant differentiam, quod Romano iure certum sit, 1) quod nec testamentum nec ita

Differentiae
speciales
1) quoad voluntatem testatoris
1) de hered. inst. in arbitr. alien. collata.

que heredis institutio aperte et directe possit conferri in arbitrium tertii *L. 32. D. de Heredib. instituend.* licet indirecte id fieri queat, dum testator heredis institutioni adiicit vel
 a) conditionem, ex alterius voluntate pendentem; vel
 ß) modum, cuius determinationem alterius tanquam boni viri arbitrio committit. Sed in Germania a) ex iure Canonico per *c. 13. X. de Testament. iunct. c. 18. X. de V. S.* id admittunt multi, vid. SCHILTERVM *Exercitat. XXXVIII. §. 83. THOMASIVS cit. Dissert.* Sane gravissimum est, quod contra vniuersalitatem huius differentiae ex collatione vtriusque textus cum fontibus suis mouetur dubium, quod textus isti saltem pertineant ad determinationem eorum, quae relinquuntur in animae salutem, quemadmodum id ipsum indigitare videntur, quae *c. 18. cit. ad verb. et infra* adiectaprehendimus. Interim tamen vulgaris sententia, quae generalem regulam ex *c. 13. cit.* deducit, menti iuris Pontificii magis conuenire videtur. Quanquam enim Pontifici INNOCENTIO III. ab Episcopo Altissiodorensi quaestio esset proposita de Canonico, qui dispositionem suam animae causa ordinatam in alterius arbitrium contulerat determinandam: nihilominus generaliter, et per rationem generalem, ad speciem sibi oblatam respondet Papa, *qui extremam voluntatem IN ALTERIVS DISPOSITIONEM committit, non videtur decedere intestatus*, ita ut Episcopus Altissiodorensis ex regula hac generali speciem obuenientem ipse diiudicare debeat. Generali huic inteptioni papali quoque fidem facit, quod ad *cap. 18. cit. verb. et infra* adiectus

Etus tenor quaestionis propositae nimis generaliter tractet de illis, qui in dispensatione et voluntate alterius suam committant ultimam voluntatem, NIL PER SE PENITVS ORDINANTES, nec determinantes cui loco vel PERSONAE conferri debeat. Certe GREGORII IX autoritate RAYMANDVS generalem illam regulam Decretalibus *cir. cap. 13.* ita clare, et absolute inseruit, vt vix opus sit interpretis officio causam occasionalem huiusepistolae decretalis circumspectante. Neque, si abstrahamus ab hypothese Romana, quod testamenta legis vel mancipationis familiae modo fierent, naturalis ratio dari poterit, cur dispositio talis subsistere nequeat. Sed quidquid sit: β) id tamen verum est, quod ex veteris iuris reliquiis in multis Germaniae locis vel de bonis hereditariis Erbe, vel etiam de reliquis testandi facultas restricta sit ad necessariorum consensum HEINECCIUS *Diff. de testamentif. iure German. artt. limuit. circumscr.* Sic patriae meae iura testandi facultatem saltem permittunt non aegrotantibus, qui describuntur, also lange de Menschen gesunt, gaende, staende, etende, drinckende, von yener Kranckheit wetende *Jure Prouinc. Frisico Lib. II. art. 196.* Exaduerso aegrotto nemini lectulo adfixo integrum est, citra heredum ab intestato consensum extra neo quid per modum vltimae dispositionis, praeter sex aureos boni auri ac iusti ponderis, quos dare legare potest sanctis, i. e. ecclesiis eorumque ministris *Jur. Prouinc. Frisico Tit. Wo voele een Mensch up syn Krancken Bedde mag vergeven, item, wat men vergeven mag, als renes*

up syn Krancken Bedde ligt, *ut et*, von Gabe int Testa-
ment te geven. Verum enim vero in nonnullis exemplis
huius Legum Codicis, illis ipsis textibus insertae sunt in-
terpolationes, quae prohibitionem illam duntaxat ad dis-
positiones in fauorem cleri et ecclesiarum factas restrin-
gunt. Nec haftenus in Frisia determinatum est, quodnam
exemplum in diiudicandis controuersis praefendum sit:
inde inconstans hac in re adparet fori vsus, nunc dispositiones
aegrotantium seruans nunc easdem pro inualidis daclarans.
Illustriores casus ex recentioribus, in quibus sententia, pro-
hibitionem duntaxat ad dispositiones in fauorem cleri et
ecclesiarum factas restringendam esse, per rem iudicatam
corroborata est, inueniuntur in actis coram Dicafterio
actitatis, veluti causa Jan Brauwer et Consorten contra
Pastorem Jacobs vxor. nom. et Consort. ab exteris ICtis
ita decisa esse. Ex aduerso annno 1722 die 2 Sept. a Praefecto
Dynastiae Dornumanae ad consilium Rintelensium ICto-
rum publicata est sententia vltimam aegrotantis volunta-
tem declaratam, de iure non subsistere declarans in causa
Tomcke Hubben contra Anna Focken. Contra nuperri-
me Excelsum Cancellariae Tribunal, in causa adhuc pen-
dente Meint Gaten vxor. nom. contra viduam Garbrand
Elaasen et Consorten, vbi ille testamentum dicti Gar-
brand Elaasen, ex quo vidua heres scripta erat ex asse,
impugnabat imputata testatori et animi dementia et cor-
poris aegritudine, super probatione cum in modum in-
terlocutum est, vt actori iniunxerit probationem, testa-
torem

torem tempore conditarum tabularum mentis suae non fuisse compotem, nihil plane statuens de altero contra testamentum grauamine, aduersa nimirum valetudine, certo indicio, summum Tribunal huius puncti probationem nihil releuaturam habuisse. Quanquam absoluta prohibitio magis conformis sit veteribus Germaniae moribus *I. Prov. Sax. L. 1. art. 52.* acque ac reliquis hac in re dispositionibus iuris nostri Prouincialis. Quatenus itaque in quibusdam Germaniae locis extraneum heredem instituere non licet sine consensu necessariorum adeoque in arbitrio horum est, cuius in fauorem consensum dare velint, eatenus certe heredis institutio ex eorum arbitrio et pendet et in illud conferri potest.

§. XIX.

Præterea 2) disputari solet de valore heredis institutionis, quam heres e blanditus est, aut persuasionibus obtinuit: 2. de blanditiis. sed quia blanditiarum vis, non externa, sed interna saltem est, adeoque, nisi dolosæ, vel intempestiuæ et vrgentissimæ fuerint, vt violentiæ instar pro infirmitate testatoris habendæ, illas voluntatem testatoris in heredis institutione non magis vitare existimo, quam consensum in conuentionibus, siue respiciamus ius Romanum *arg. L. ult. D. et C. Si quis aliq. test. prohib. L. 70. D. de hered. instit.* siue naturalem rationem in Germania consideremus. B. STRYK. *Diff. de iure blanditiar. n. 25. seqq.* PERILL DN. BÖHMERS *Introd. in*

Ius Dig. Tit. Qui testam. fac. poss. § 6. Licet enim eiusmodi bonorum captatio fordiziem redolet: non tamen omne sordidum statim est iniustum nec dispositionem viciat. Qua de causa hac in parte differentia iuris secundum principia communia quidem deficit. At patrium ius hac in re silentio transire nequeo, quod *Ius Prouinc. Fris. art. Wo voele Erven men in Testament setten mach* decernat, blanditias non vitiare ultimam voluntatem, qua coniux coniugem honorauit. Vnde non sine ratione dicendum, quod patrium ius intuitu aliorum liberalitatem ultimam blanditiis elicita iudicet nullam.

§. XX.

II. de herede.

Haec de testatore: succedant II) differentiae circa heredem. In hoc generatim requirunt leges Latii 1) vt possit succedere in ius ciuis Romani, et 2) hereditatem cernere. Verum vt prioris asserti ratio fundata est in dictis §. V. et VI. ita postquam eadem *ibidem* remota a Germania, neque conuenit nobis inde deducta conclusio. Nec magis nobis aptum aut vsitatum est posterius assertum, nempe cretionis solennitas. Nihil ergo requirimus, quam 1) ne iuri acquirendi heredis obstet ius rectorionis, et 2) ne quis speciali lege prohibeatur ex causis ad nos quadrantibus aut legibus patriis. Hinc

a) I. R. serui qua tales heredes institui non poterant. At in Germania homines proprii qua tales institui possunt, nec dominis suis sed sibi hereditatem acquirunt, quamuis sint veri

*) de seruis.

veri serui: siquidem habent ius acquirendi sibi ipsis, extra censum, mortuarium et operas, quae domino cedunt.

HOPPIVS *Comment ad Inst. ad §. 4. Tit. de iure personar. et ad pr. Tit. Per quas pers. cuique acquirat.* PRAES. *Diff. de Differ.*

I. R. et G. in Peculio. Vnde β) licet I. R. seruus testatoris esset heres necessarius: hoc tamen iure Germanico vix ac ne vix quidem dici poterit HOPPIVS *ad §. I. Tit. Inst. de Hered. qualitate et differentia*: nam qui habet ius acquirendi, habebit et ius acquaeſtum omittendi. γ) Romano iure ex eadem ratione peregrini non poterant institui: nam *authent. omnes peregrini. C. Comm. de Success.* ad ius Rom. proprie non pertinet. Sed Germanico iure possunt: nisi ipsis obſtet ius retorsionis. δ) Quam ob rem apud Romanos quidem heredis institutionem vitiat capitis deminutio heredis. Quae in Germania nihili est. Banniti vero huc non pertinent, et de his vide SCHILTERVM *Exercit. XXXVIII. §. XXI. seqq.*

Deinde ε) de haereticis non instituendis prohibitio Romana in Germania inde limitationem capit, si haereticos toleret respublica. Contra haereticos tamen, qui reipublicae alius subditi sunt, aliquando locus est iuri retorsionis. Speciatim ζ) quoque prohibuit ius Romanum, ne coniux secundo coniugi plus relinquat, quam vni ex liberis prioris matrimonii *L. 6. C. de secund. nupt.* quam tamen prohibitionem non omnis Germania seruat, tum ex reliquiis communionis bonorum, tum quod statutaria portio alicubi maior sit; sed hanc rem plenius pertractauit EXCELLENTISSIMVS CONSIL. AVLIC. DN. KNORRIVS *Diff. de iure coniug. nuptias iterantis*

η) an fin the redes n eccleso rii.

θ) de peregrinis.

ι) de capite minutis.

κ) de haereticis.

λ) de coniuge

μ) de coniuge

ν) de coniuge

ξ) de coniuge

ο) de coniuge

π) de coniuge

ρ) de coniuge

σ) de coniuge

*) singularis
Frisiae.

rantis ad L. 6. C. de sec. nupt. Postremo *η)* quoad heredis institutionem voluntariam et necessariam in patria mea saltem monere debeo, quod expressa exheredatione opus sit, quoties quis aut remotiorem agnatum aut extraneum praeferre velit propinquiore, quisque sit ille propinquior, quamvis neque descendens, nec ascendens, nec frater aut soror sit *Iure Prouinc. Frisic. ars. Erben in Testament to noemen.*

§. XXI.

III. de institu-
tione heredis
ipsa.
*) an de essen-
tia testamenti.

Transcamus nunc III) ad ipsam heredis institutionem seu declarationem voluntatis testatoris de herede futuro. Equidem *ι)* accepimus §. *I. et XVI.* quod directa heredis institutio I. R. pertineat ad substantiam testamenti, hoc a codicillis discernentem. Ideoque *α)* nec testamentum esse poterat sine heredis institutione directa, nec *β)* haec subsistere poterat sine testamento. Attamen Germanos *α)* scire *ein Testament* sine heredis institutione directa, quamvis alio sensu quam Romano, et sequitur ex dictis §. *XVI. et XVII.* et obseruauit B. DN. HEINECCIUS ELEM. IVR. GERM. *Lib. II. Tit. VII. §. CLXXXVIII. et CXCI.* Et vice versa *β)* datur heredis institutio directa sine testamento: siquidem pactis successoriis, quæ dici solent acquisitiua, constitui potest heres, qui succedit immediate decessori in eiusdem vniuersumius *per §. XIV. u. β. et §. XVI. seq.* atque pacta successoria Germanis semper praestiterunt tantum, quantum testa-
menta

menta Romanis. Vnde γ) porro sequitur, quod qui successione suam pacto ordinauit, in effectu non decedat intestatus. Sequitur ergo, si Primus pacto familiae Secundo promiserit successionem in casum, si primus ab intestato moriturus sit, postea vero Primus uxorem ducat Tertiam, et pacto dotali hanc faciat heredem, posteaque moriatur Primus, quod Primus non sit ab intestato mortuus, adeoque nec conditio exstiterit, sub qua hereditas Secundo erat promissa, nec huic hereditas delata sit §. XIV. i. β. Perinde est 2) iure Romano, qualecunque sit testamentum, an ^{1) et quidem} solenne, an ex priuilegio minus solenne sit. Idem I. G. ^{solennis.} Sed ex patriae legibus id addo, quod non vitietur testamentum foeminarum, si contra solennia peccauerint: nisi id a marito vel a proximis consanguineis solennitatis omissione arguatur *Ius Prov. Fris. art. Wanner eine Frouwe oere Testament macket.* Id etiam 3) notum est, quod iure Ro- ^{3) et vniu.} mano plures quidem potuerint institui heredes etiam directi, sed non nisi in vno testamento: Romanis quippe a re alienum quid videbatur, eundem duas habere ultimas voluntates; nisi quod α.) miles posset cum pluribus testamentis decedere *L. 19. pr. D. de Testam. milit.* et β.) quod, si pagani duae existent tabulae simul signatae, in quibus diuersi heredes scripti, praetor dederit possessionem bonorum secundum tabulas ex vtroque codice, tanquam ex vno *L. 1. §. 6. D. de Bonor. possess. secund. tab.* Ast hoc ipsum docet, thesin iuris ciuilis ad subtilitatem parum aequam praesumpta intentione testatoris recedentem rediisse a praetore per

D

in-

indirectum temperandam: nam nec contradictionem inuoluit, eundem mori cum duobus testamentis, siquidem tabulae ante mortem testatoris potentia saltem, non dum actu testamentum sunt, sed demum fiunt. actu ultima voluntas et testamentum morte testatoris; et sic testator non cum duabus ultimis voluntatibus decedit, sed saltem cum una, quae tabulis duabus continetur. Nec aduersatur, quod testamentum legis instar fuerit: etenim legi potest capitulum addi. Vix itaque excusabis Romanos, nisi forsan a familiae mancipatione. Quid vero in Germania ab eiusmodi duritie iuris civilis subtilis aliena prohiberet, quo minus quis paganus ipso iure civili cum pluribus testamentis decedat. Certe id fit non solum α) ita, ut altera dispositio cum testator utramque dixerit Testament, valeat iure codicillorum et fideicommissi §. XVI. verum etiam β) continget, ut iure civili Germanico utraque dispositio recto iure valeat, si nimirum quis aliqua in parte hereditatis quota pacto nominauerit heredem, vid. cit. §. XVI. et num. 1) huius §. et postea de reliqua hereditatis parte testamentum condat more Romano. Caeterum 4) iam supra §. VI. usque ad §. VIII. inclus. dixi, quod veteri iure Rom. heredis institutio concipi debuerit verbis directis et dispositiuis ac imperatiuis, quibus stricta interpretatione inhaeserint. Idcirco α) in conditione positi non visi sunt instituti L. 8. D. Si quis omiff. conf. L. 114. §. 13. de Legat. 1. Pari ex ratione β) pro perplexa et inutili habebatur heredis institutio e. g. Si Titius heres erit Seius heres esto, si Seius heres erit, Titius heres esto,

esto *L. 16. D. de Condit. institut.* Sed immutatis iure Romano recentiore principiis antiquis *per L. 15. C. de Testamentis*, minime conuenit, ut veteris iuris conclusiones in forum Germanicum transferamus: verum vti quaelibet voluntatis declaratio, siue tacita siue expressa vel implicita vel explicita, atque verba enunciativa sufficiunt, et adhibenda semper interpretatio benigna voluntati testatoris inseruiens §. VII. VII. et VIII. ita α) omnino instituti sunt censendi, qui in conditione positi sunt, nec β) inutilis erit institutio *in cit. L. 16.* proposita, cuius sensus est, quod et Seius et Titius simul coheredes debeant esse instituti, ita tamen vt alter sine altero fieri non debeat heres THOMAS. *Not. ad Pand. Tit. de Condition. Instit.* Quoniam vero verba directa sublata sunt, et in Germania ambiguus est significatus verborum *Testament, Erbe, Erben einsetzen, vermachen*: quaeritur merito δ) unde heredis institutio a legato, et directa a fideicommissaria sit discernenda? Equidem facile est ad intelligendum, quod α) heredis institutio proprie dicta ex obiecto vniuersali a legato, cuius obiectum est res singularis, discerni queat. β) Quod vero attinet ad discretionem heredis institutionis directae et obliquae, seu fideicommissariae. vide §. XVII. num. 1. α et β. atque PRAESIDIS *differt. de argum. subtit. directae.* 6) Vnde cauendum ne testamentum praeteritionis vitio laborare iudicemus, si ei, cui legitima debetur, pars quota hereditatis relicta sit verbo *vermachen*.

Character institutionis et legati, directae et obliquae.

§. XXII.

IV) de obiecto institutionis.

De testato et intestato. simul.

IV) Specialiora quaedam autem de obiecto consideremus. Hoc omnino secundum modo dicta §. XXI. n. 5. in heredis institutione testamentaria stricte et proprie tali est vniuersum ius defuncti §. X. XII. n. I. α et β et §. XVII. adeo ut ius Romanum non patiatur eundem in paganis et testato et intestato decessisse, earumque rerum naturalem inter se pugnam esse crediderint, testatum et intestatum *L. 7. D. de Reg. iur.* Verum praeterquam quod iterum exinde, quod in militi aliud permittatur, arguat insufficientiam rationis, naturalis illa pugna iterum non est absoluta, sed tantum admittenda esset, si quis pro eadem hereditatis parte simul testatus et intestatus decederet, minime vero, si id de diuersa hereditatis parte fiat, super diuersis enim non stat contradictio. Nec obstat, heredem Romanis esse successorem in vniuersum ius: nam qui, pro parte quota heres est, etiam est successor in vniuersum ius; vnde non impedit, si quis pro parte ex testamento heres sit, ne quis alius pro altera parte heres sit et in vniuersum defuncti ius succedat ab intestato. Falluntur ergo Romani aucupio verbi, et ab eo quod secundum quid contradictorium est, illud simpliciter ponendo: nisi eos forsitan astricta legum indole antiqua, aut a familiae mancipatione, primorum testamentorum forma, excuses. Sed cur ad has hypothesen in interpretanda voluntate defuncti vltima Germania sit astricta, mihi non apparet. Neque id admittit ratio iuris Germanici tum quod pactis successoriis siue dotalibus siue aliis,

aliis, tum quod statuta alicui, veluti coniugi, certam vniuersi iuris defuncti partem quotam in successione, adeoque hereditatis partem assignent, de reliqua vero testamento disponat testator, quo ipso sit, vt omnino quoad ius Rom. decessor mortuus sit pro parte testatus et pro parte intestatus. Monuit nos iamiam hac de re SCHILTERVS *cit. exercit. §. LXXX. seqq.* adiectis in vtramque sententiam legibus prouincialibus et auctoribus. Imo seposita hac quaestione alia tamen ratione apud nos voluntati defuncti, qui de parte quadam bonorum, siue quota siue quanta, saltem disponere voluit, consulendum: scilicet dispositio, quam defunctus **Testament** dixit, nihil est quam codicilli ad heredes intestatos directi fideicommissum, vel legatum continentes, et **Erbe** in parte quota institutus est fideicommissarius, in parte quanta siue re singulari scriptus est legatarius, quod etiam in quibusdam casibus agnouerunt Romani *L. 35. §. 1. et L. 13. C. de hered. inst.* Hinc 1) I. R. quidem heres solus in parte quadam aut re singulari institutus totam hereditatem accipit *L. 1. §. 4. D. eod.* et 2) pluribus institutis, assignatis cuique vnciis, ita inter eos diuidenda hereditas tota, vt ex asse nihil superfit. Sed vtroque casu in Germania heres scriptus contentus esse debet cum eo, quod testator ipsi adscripsit: nisi de mente alia liquido constet. 3) Iure Romano tale testamentum rumpebat prius; quod in Germania non utique dicendum, quod dispositio plerumque pro codicillis haberi potest.

de instit. in
parte aut re
certa

§. XXIII.

V) de specieb.
institution.
1) de substiti-
tutione.

V) Addenda pauca ex qualitate heredis institutionis et inde dependentibus speciebus. Et 1) primo quoad substitutionem vulgarem a) I. R. ea evanescit, si institutus adierit, sed contra aditionem restituatur *L. 3. §. 4. L. 7. §. 10. D. de Min. L. 5. C. de Vulg. subst.* ex subtili interpretatione verborum, si institutus *heres non erit*. Sed dubito, an contra praesumtam voluntatem defuncti in Germania idem dicendum. Deinde β) decisio casus in *§. ult. Inst. de Vulg. substit.* et *L. 40. et 41. D. de Hered. instit.* a contradictione parum abest, quin non convenit cum *L. 9. D. L. 3. et 4. C. de Hered. instit.* At in Germania utroque casu in *cit. §. ult.* contento evanescere debet substitutio, quia institutus hereditatem sibi acquirere potest per dicta *§. XX.*

§. XXIV.

2) de condi-
tione.

2) Quoad institutionem conditionatam, praeter deducta *§. XXI. n. 4. α.* ex principiis ibidem expositis adhuc fluere mihi videtur et Iure Romano nouiore post *L. 15. C. de Testam. et N. 15.* et in Germania de conditione qualicunque legitimae adiecta, quod valeat, si simul addatur iusta exheredandi causa, ita ut vel instituatur is, cui legitima relinquenda, vel exheredetur sub conditione: neque enim amplius potest dici praeteritus conditione deficiente, et quem

quem pure exheredare queo, cur non eundem sub conditione aut instituere aut exheredare possem.

§. XXV.

Tandem 3) quoque de die constat, quod adiectus ^{3) de die ad-} heredis institutioni habeatur pro non adiecto, sed pura sit ^{iecto.} heredis institutio: ne testator pro parte decessisse videatur testatus et pro parte intestatus. Sed in Germania consuli potest voluntati defuncti, ita ut dies attendi queat. Etenim
 α) si heredis institutio facta *in diem*, implicite continet fideicommissum, quo *institutus* hereditatem die veniente restituere debet testatoris proximis. β) Si heredis institutio facta sit *ex die*, dispositio habenda pro codicillis directis *ad heredes intestatos*, ut hereditatem fideicommissi iure praestent *instituto*, ubi dies venerit: collineat huc PERILLVSTR, DN. BOEHMERVS *Introd. in Ius Dig. Tit. de Iur. Codicill. §. 7. n. 3. et §. 9.*

§. XXVI.

Sufficiant haec de praecipuis differentiis Iuris Ro- ^{de remed.} mani et Germanici in heredis institutione voluntaria ^{L. f. C. de E-} speciminis inauguralis loco proposuisse. Coronidis lo ^{dict. D. Hadr.} co addo, quod Iure Rom. quilibet heres ex testamento nullo vitio visibili laborante gaudeat remedio ^{toll.} *L. f. C. de Edicto D. Hadr. tollend.* Attamen iure patrio 1) hoc non aliter procedit, nisi heres institutus fuerit simul proximus necessarius

cessarius, und is darto de Sibbest, *lus Pron. Fris. art. Er-*
ven im Testamente tho noemen. Ex aduerso II) ex testa-
 mento foeminae, vtut in solennibus visibile adfit vi-
 tium, remedium competit: nisi agatur contra
 maritum vel proximum necessarium
 per dicta § XXI.

T A N T V M.

ERRATA.

p. 5. lin. 13. lege *Antistii Labeonis et Atteii.*



NOBI-

NOBILISSIMO
DOMINO CANDIDATO
S. P. D.
PRAESES.

M Etiam studiorum consecutus dum Iurisprudentiae studium exacto in Fridericiana hac quadriennio, rite decurrissi, merito exornandus es corona Doctorali. Etenim indefessam tuam in addiscenda, praeter Philosophiam et Historiam, scientia legitima adhibitam assiduitatem, et testantur omnes, quorum institutione fructus es Antecessores per orbem famigeratissimi PERILLVSTRIS CANCELLARIVS REGIMINIS ET ACADEMIAE DIRECTOR DN. BOEHMERVS, et EXCELLENTISSIMI DOMINI CONSILIARII AVLICI DN. WOLFIVS, KNORRIVS, SCHLITTIVS, BOEHMERVS Filius, profectus vero tuos egregios toti ICtorum ordini inchyto in examine utroque praestitissi, adeo ut Tibi iam sint decreti summi in Iure utroque honores. Non possum ergo non Tibi hac de re ex animi sententia gratulari, praesertim cum in meis quoque scholis et initium et finem addiscendae Iurisprudentiae facere volueris. Opto, ut felix ad patrias redux fias oras, ibique ea, quae hic profecisti, in Gloriam Dei, patriae Tuamque salutem conuertras in usum: in quem finem Tibi cupio, ut summus gradus honorum academicorum sis primus ampliorum dignitatum in republica propediem impetrandarum. Vale, Dab. Halae Magdeb. die XIII. Octobr. Anni MDCCXLVI.

Solt



Stolt ich wol vermögend seyn, bei den neuen Lor-
ber-Zweigen,

Die Minerva Dir zum Lohne des bezeugten Fleisses
schenkt,

Nicht zu Deinem Purpur-Hut voller Inbrunst hinzu-
steigen?

Nein! Du bist das schon versichert, was Drestens
Herze denkt.

Nimm daher, HochEdler Freund, von den echten Liles-
Flammen,

Die das löbliche Bezeugen Deiner treuen Brust
vernert;

Die auch igt, wie sonst gescheh'n, aus dem reinsten Feuer
stammen,

Einen gleichen Funken hin. Höre! was mein
Wunsch begert:

Hochgeschätzter! ob Du schon einen seltenen Rum er-
halten,

Sei doch dis von Deinem Glücke nur das erste
Morgen-Rot;

Eine reiche Segens-Hand mus ob Deinem Scheitel
walten,

So bemüht man sich vergebens, wenn man Deinem
Wohlsseyn droht;

Deine Zeiten müssen Dir ein beständger Fröling bleiben,
Den kein grauser Wind aus Norden, wol ein sanf-
ter West durchstreicht.

Lebst

Lebst Du so, so kan ich mich durch Dich gleichfalls glücklich schreiben,
Weil in Deinem Wohlergehen mein Vergnügen höher steigt.

Mit diesen wenigen Zeilen hat dem HochEdelgeborenen und Hochachtbaren Herrn Doctori seinen gehorsamsten Glück- Wunsch abzustatten, und Dessen ferneren Gewogenheit sich zu empfehlen nicht ermangeln sollen,

Desselben

gehorsamst-ergebenster Diener,

Tiarcko Wallendorph Marcelius.

Opp. Ord.

Emda-Frisius-Orientalia.

Enfin VOUS recevés la digne recompense
Qui se doit justement à VOTRE profonde science.
Allés dans NOTRE patrie comble! de tant d'honneur,
Servés la fidelement, et faites son bonheur.
Cependant prennés soin d'aimer tous VOS amis
Dont je toujours un vrai et très-soumis.

Ce sont les vœux, que fait en ce peu de mots
pour Monsieur le DOCTEUR SON très-
humble et très-respectueux Serviteur et veritable Ami

F. W. Homfeld. Opp.
d'Emden en Ostfrie.

Sieh heute noch den Purpur an,
 Erhalte nur den Doctor-Tittel,
 Denn er gehöret keinem Mann,
 Der etwan unerhörte Mittel
 Zu seinem Ansehn aufgerafft.
 Nein, Kunst Gelehrsamkeit und Stärke
 In Ausübung gelehrter Werke
 Sind dieser Würde Eigenschaft.
 Und diese sinds, die Du besitzt;
 Daher must Du vor solche Gaben
 Vor dem, dem diese Zier nichts nützt,
 Gang billig diesen Vorzug haben.
 Genuß daher mit froher Lust
 Die Ehr, die diese Würde bringet,
 Und laß es seyn, daß meine Brust
 Deswegen diesen Tag besinget.
 Doch bitt ich Dich, die Freundschafts-Pflicht
 Abwesend nicht hintan zu setzen;
 Ich will sie, wie mein Mund verspricht,
 Auch in dem Herzen nicht verlegen.

Durch gegenwärtige Zeilen wollte dem Herrn Do-
 ctori zur erlangten Würde ergebenst Glück wün-
 schen

Desselben

ergebenster Diener,
 Carl Friedr. Bätcke Brandenb.
 Opp. Ord.

Po.

Ponens secundis omnibus grauem,
LOESINGE, pugnam plaufibus accipis
Laetis triumphalem corollam
Castra facrae Themidis fequenti

TIBI dicatam, nobilis indicem
Mentis patentem: iuftaque praemia
Ceruicis exornant cacumen

Aufpiciis data prima dextris.
Laudes celebres Frifionum genus
Parabat olim fortis acerrimus
Mucronibus ferri: cruenta
Tempora faepeque mille lauros

Cinxiffe conftat numine Martio.
Aft nunc aurum TV recolens decus

Ductum vereris atque figna
Incluta iuftitiae nitentis,
Huiusque fanctis aufpiciis fruens
TV rela fumis fortia Delii;
Sed arma Martis eruditi

Vincere TE faciunt ouantem.
Prifcumque ficut Romulidum genus
Confuevit amplis cingere tempora
Probi coronis, qui mouebat
Interitum et iuga dura ciui;

Sic ciuicae TV commeritus geris
Decus coronae, Teutonicis patrum
Qui ciuitatem rite feruas

Iuribus, haec peritura firmans.
Ex hinc merentem laudibus exstruit
Quicumque TEMet, queis onerat frequens
Fauftiffimus Rector Byzanthi
Sacra piaae Themidis parantes.

Ornare

Ornare digni splendida pectora
Virtutis almae non pretium finet,
Lucebis et fulgore raro
Ad patriae rediens beatus
Sedes amatae, et littoral' dulcia,
Quorum salutem tot sapientibus
Olim magis feliciorem
Reddere consiliis studebis.
Partem ex regendis accipe ciuibus!
His iura ponas aequa quibuslibet,
Hique ore nunciata molli
Omnia suscipient verentes.
Director arui celsus Olympii
Terrena tractans littora brachio
Accommodabit robur ingens,
Votaque stata iubebit esse:
Plerisque certo TE meritis dabit
Terraе paternae conspicuum diu;
Sollertiae molimina acris
Ultima nix duplicata sistet
Pensata, faustae conditionis et
Augmenta gignant saepius addita
Laetata tantis digna corda,
Tristitiae fugiantque trusae!
Procinctus autem linquere Salicas
Rogaris oras, pellere pectoris
Non ex amici fonte memet,
Immerito tribuens fauorem!

Paucis exilibusque hīc uocibus Nobilissimo et
Doctissimo Domino Candidato Doctorale fa-
stigium feliciter scandenti applaudit benignae
recordationi sese commendaturus

Ioannes Philippus Carrach, Halensis
Vtriusque Iuris Cultor, Opponens.

* * * * *

Ad 11671038